


## Ogledalo

Piše: Mugdim GALIJAŠEVIĆ (galija@avaz.ba)

## Hoću pasoš!



Ljudi iz dijaspora svoja prava mogu ostvariti u samo 11 bh. diplomatsko-konzularnih predstavništava

Aktuelna bh. vlast, konkretno Ministarstvo vanjskih poslova, kao da želi pokazati da im i nije baš stalo do naše dijaspora. Pomenuto Ministarstvo potrudilo se da naljuti jednu trećinu naše populacije, njih 1,5 miliona koliko ih živi i radi van granica Bosne i Hercegovine.

U pitanju je (ne)izdavanje biometrijskih pasoša. Moguće je do njih doći u samo 11 od 55 diplomatskokonzularnih predstavništava naše države u svijetu.

Dakle, MVP nije uradilo što je trebalo da ti ljudi bez problema dođu do najvažnijeg dokumenta kojim dokazuju ko su i odakle su. Svakako da će dijasporu dodatno iritirati izjava pomoćnika ministra Zorana Perkovića, da postoje još dva načina vađenja pomenutih dokumenata: da po pasoš dođu u BiH ili pak da svoje pravo realiziraju u jednom od bh. konzulata gdje se izdaju pasoši.

Dakle, dijaspora je ponovo stavljena pred zid. Šta smo učinili do sada da se ti ljudi ne osjećaju odbačenim od svoje domovine. Gotovo ništa. Sada, zbog nemogućnosti da dođu do pasoša ili drugih dokumenata prepušteni su na milost i nemilost birokratama koji ih tjeraju da danima obilaze brojni ministarstva. Ti činovnici što vire iza šaltera toliko su drski da im čak neće reći ni koja su vrata prava, pa da ne kucaju na pogrešna.

U isto vrijeme visoki dužnosnici, čast izuzecima će se i bez prvog povoda (osim turističkih ambicija) rado naći u zemljama Evrope. Na prigodnim skupovima će već poznatim lahuri parolama ubjeđivati naše ljude kako smo im (oni) zahvalni na onome što čine za domovinu, pa se od njih očekuje da i im dalje daju novac i svoj glas na izborima. Srećom, malo ko još vjeruje u iskrenost izgovorenih riječi i prolivenih suza, za „tamo njima“.

Da li će se aktuelna vlast zapitati nećemo li zbog njene arogantnosti, inertnosti i neznanja svakim danom biti siromašniji za ljude koji su gotovo natjerani da traže ispis iz bh. državljanstva. A među njima su brojni stručnjaci iz raznih oblasti. Ako vlasti nije stalo do naših u svijetu priznatih ljekara, inženjera, književnika, sportista..., većini Bosanaca i Hercegovaca jeste. Ova zemlja nije bitku za napredak, a u tu borbu hoćemo zajedno.

Dijaspora će svakako zapamtiti i ovu najnoviju šaradu s pasošima i svojim glasom na izborima u oktobru iduće godine za druge opcije kazniti vinovnike njihovih nedaća. Svoj glas će dati ljudima koji će njima, kao i onim u zemlji obezbijediti bolju budućnost i status kakav stvarno zaslužuju, jer oni su bh. građani ma gdje bili. Ovako kako se aktuelna vlast prema njima ponaša, kao da se na tu činjenicu svjesno zaboravlja.

Srećom, sada je već realno očekivati da se mijenja politička scena u Bosni i Hercegovini i da će doći ljudi koji znaju šta je nama dijaspora.

## Obavljena dženaza Abdurahmanu Mujanoviću Kalesijci ponosni na komšiju

Na mjesnom mezarju u Kikaćima kod Kalesije obavljena je dženaza Abdurahmanu Mujanoviću (57), doktoru elektrotehnike i vojnom ekspertu, koji je umro u oktobru u Saudijskoj Arabiji od srčanog udara.

Obraćajući se okupljenim vjernicima, mjesni imam Muamer ef. Fazlić rekao je da mještani Kikaća i Kalesije nisu ni bili svjesni kakvog su komšiju



Mujanović: Bio vrhunski stručnjak

imali.

U ime Ministarstva vanjskih poslova BiH dženazi je prisustvovao Alija Muminović, koji je za Mujanovića rekao da je bio vrhunski stručnjak, jedan od najmlađih doktora nauka u bivšoj Jugoslaviji, te da je za vrijeme agresije dao veliki doprinos u odbrani BiH.

Abdurahman Mujanović rođen je u Kikaćima. Bio oženjen, ali nije imao djece. F. S.

### D.O.O. JUNG-KOMERC Pogrebne usluge Tuzla-Teočak

- Vršimo prevoz umrlih u zemlji i širom Evrope
- Ekshumacije
- Papirologija
- Oprema
- Prevoz vozilom koje posjeduje licencu
- Sve ostalo što prati te usluge ...

Tel. 0049 15 126 732 467

00387 35 264 067

00387 61 104 109

U vašim teškim momentima sa vama Avdo Hadžimuratović sa osobljenom

00387 61 380 054

INTERVJU Jadranka Negodić, bh. ambasador u Velikoj Britaniji

# Naša omladina je odličan promotor BiH

Biti ambasador u Velikoj Britaniji za mene je veliki izazov • Britanski dužnosnici insistiraju na odgovornosti domaćih političara • Obeshrabrujuće vijesti

Razgovarao: Namik ALIMAJSTOROVIĆ

Jadranka Negodić već godinu je na funkciji ambasadora Bosne i Hercegovine u Ujedinjenom Kraljevstvu i Republici Irskoj. U razgovoru za „Dnevni avaz“ ambasadorica Negodić govori o tome kako je biti ambasador jedne male zemlje u centru svjetske diplomacije, promociji BiH u svijetu...

## Zahtjevan posao

□ U Londonu se nalazi više od 170 diplomatsko-konzularnih predstavništava stranih zemalja te više od 20 međunarodnih organizacija i ureda. Sudeći po dinamici diplomatskih aktivnosti, broju diplomata te interesu za sva svjetska zbivanja, London je centar svjetske diplomacije. Je li teško biti ambasador u Velikoj Britaniji i snaći se u svemu tome?

- Imajući u vidu značaj i ulogu Velike Britanije u svijetu, njenu dinamičnu i aktivnu vanjsku politiku, kao i prisustvo i zastupljenost



Negodić: Naši građani teško se odlučuju na povratak u domovinu

od EU/US. Britanski dužnosnici se u vezi s tim ne upuštaju u prognoze, nego insistiraju na odgovor-

generacija mladih ljudi odraslih i obrazovanih u ovoj zemlji, koji su odlični promotori BiH.

□ Ima li ispisa iz BiH državljanstva, odnosno kakva je situacija sa dvojnim državljanstvom?

- BiH građani su svoj status u ovim dvjema zemljama koje Ambasada pokriva riješili putem prijema državljanstva. Zvanični podaci o tačnom broju naših građana koji imaju državljanstvo Velike Britanije i Irske ne postoje, jer domicilni zakoni ne dozvoljavaju objavu takvih podataka, ali se pretpostavlja da su svi koji su ispunili propisane uvjete već stekli državljanstvo. Obje zemlje (UK i Irska) ne uvjetuju dodjelu svog državljanstva odricanjem od državljanstva matične zemlje. Ambasada je u nekoliko navrata obavila razgovore s nadležnim organima zemlje prijema o mogućnosti sklapanja takvog sporazuma, o čemu je upoznat i Svjetski savez dijaspora.

## Registriranje birača

□ Koliko, prema Vašim podacima, ima naših građana u Velikoj Britaniji? Da li ima povratka naših ljudi u domovinu?

- Prema procjenama kojima Ambasada raspolaže, na teritoriji UK boravi oko 10.000 naših građana i oko 2.000 u Irskoj. Do tačnih podataka je teško doći iz razloga što mnogi građani prilikom dolaska u UK ne smatraju obaveznim da o tome obavijeste Ambasadu ili ne žele da daju svoje podatke, što onda povlači i druge probleme, kao što je i registriranje birača.

Imajući u vidu činjenicu da je status bh. građana riješen putem prijema državljanstva, kao i da se mlađa generacija dobro uklopila kroz obrazovanje i zapošljavanje, naši građani se teško odlučuju na povratak u BiH.

## Prijedlozi i sugestije

U Velikoj Britaniji je i sjedište BiH UK Networka i Svjetskog saveza dijaspora BiH. Kakva je Vaša saradnja s tim organizacijama i šta bi, prema Vašem mišljenju, trebalo još unaprijediti?

- Saradnja Ambasade BiH u Londonu i BiH UK Networka i SSD BiH dobra je, ali uvijek ima mjesta njenom unapređenju. U tom smislu su nam potrebni vaši prijedlozi i sugestije.

st „ostatka svijeta“ u Velikoj Britaniji, mogu reći da je posao ambasadora, kao i ostalih diplomata, izuzetno zahtjevan i odgovoran. Velika Britanija za BiH predstavlja izuzetno značajnog vanjskopolitičkog partnera i u tom kontekstu biti ambasador BiH u toj zemlji za mene osobno predstavlja ogroman izazov.

□ Kako britanski zvaničnici gledaju na situaciju u našoj zemlji i kakve su njihove prognoze sa predstojećim ustavnim promjenama?

- Velika Britanija je snažan zagovornik proširenja EU i u tom smislu daje potporu procesu integriranja BiH, kao i cijele regije u EU i NATO. U pogledu pitanja transformiranja OHR-a u EUSR, insistira na ispunjenju pet ciljeva i dva uvjeta koje je postavio PIC, dok vezano za pregovore o budućim izmjenama Ustava čvrsto daje podršku procesu vođenom

nosti domaćih političara.

□ Koliko radite na promociji BiH u Ujedinjenom Kraljevstvu?

- Promocija svake zemlje uveliko zavisi od unutrašnje situacije u toj zemlji, pa tako i BiH. I pored ponekad obeshrabrujućih vijesti koje dolaze iz BiH u smislu nedostatka očekivanog progressa na putu ka EU, kontinuirana zadaća Ambasade BiH u Londonu je predstavljanje i promoviranje zemlje u privrednom, kulturnom, znanstvenom pogledu, promjena imidža BiH kao zemlje čiji građani bezrezervno podupiru njeno članstvo u EU te zemlje koja je u procesu tranzicije, opredjeljene za razvoj i jačanje demokratskih institucija, vladavinu prava i učvršćivanje mehanizama zaštite ljudskih prava. Pored Ambasade, promociji naše zemlje u Velikoj Britaniji uveliko doprinosi bh.

## Još se ne zna kad će početi izdavanje biometrijskih pasoša

□ Kada će se početi izdavati novi biometrijski pasoši u prostorijama naše ambasade?

- Nažalost, još uvijek ne možemo precizirati tačan datum

početka primanja zahtjeva za izdavanje na novim obrascima. Razlog je što nisu stvoreni tehnički preduvjeti za otpočinjanje s novim procesom.